


حضرت زینب

بنتِ

محمد صلی اللہ علیہ وسلم

مؤلف

رازول کوہستانی



حضرت زینب بنت محمد صلی اللہ علیہ وسلم

(کوہستانی شینازبان میں)

حضرت سیدہ زینب بنت محمد ﷺ تومو ژا سیدنا قاسم بن محمد جی لیکھی آں اِکنہ ژا سزارومجی بُئج بڑس۔ یئٹے اجیئے نُوَم حضرت خدیجہ الکبریٰ سو۔

پائڈخ: حضرت زینب ﷺ اے پائڈخ حضور صلی اللہ علیہ وسلم اے زہانلے پوُش موگو کال مکہ دہ بلی، اسہ وخ دہ نبی اکرم ﷺ بھیو دائے کالوس، عام الفیل واقعہ گہ آ کال بِلِس¹۔

نسبی لڑ: حضرت زینب ﷺ بنت محمد بن عبد اللہ بن عبدالمطلب بن ہاشم بن عبدمناف بن قصی بن کلاب بن مرّة بن کعب بن لوی بن غالب بن فہر بن مالک بن نضر بن کنانہ بن خزیمہ بن مدرکہ بن الیاس بن مضر بن نزار بن معد بن عدنان۔ آں اجیئے طرفجی زینب بنت خدیجہ بنت خویلد بن اسد بن عبد العزیٰ بن قصی بن کلاب بن مرّة بن کعب بن لوی۔

¹ ابن عبد البر، الاستیعاب، جلد 4، ص: 1839۔

حضرت زینب بنت محمد صلی اللہ علیہ وسلم

گوڑے کوم: پُوش کالو عمر ده گوڑے کوم کار مجی تومنی اجنی حضرت خدیجہؓ امداد تھی گہ لیکھی سزاره حضرت ام کلثومؓ گہ حضرت رفیعہؓ نوٹیارے گہ سیٹھے تصور تھیسئی۔

اسلام اٹون: نبوتے اعلانے وخ ده حضرت زینبؓ دائرے کالوسی۔ ینہ سو اسلامے اولے وخ گہ پشیگس آں بجرتے سختی وخ گہ۔ نبوتے اعلانجی پتو اسلام اٹیگس، ابوالعاص اسہ بُجیش مسلمان نہ بلس آگی حضرت زینبؓ مدینہ شریفڑ بوجون نہ پھتاؤس۔

کھان وخ ده حضرت زینبؓ مسلمان بوئے اسلام اٹیگئی، اسہ وخ ده ابوالعاص ساؤدگری سفر ده شام داسو۔ سہ نبوتے اعلانے خبر شام ده بلس۔ مرک بوئے گوشٹھه آلو تو حضرت زینبؓ او رجیگی چہ سہ مسلمان بلن۔ ابوالعاص ہکا ہکا بوئے رجاؤ: ”وو زینب! تھو آگہ نہ سوچ تھيگیئی چہ اگر مون حضور صلی اللہ علیہ وسلم ائے نبوتجی ایمان نہ اٹاس تو جو بُو؟“۔ حضرت زینبؓ او رجیگی: ”مون تومو صادق گہ امین بُنا کاتھ چوٹیر تھوبامس؟ می ماں، سزاره، حضرت علیؓ، حضرت ابوبکرؓ آں خھے قوم ده عثمانؓ بن عفان آں خھے مہلے پُچ زبیرؓ بن عوام بُئج ایمان اٹیگان، موسؓ تو سوچ گہ نہ تھوبامس چہ تَس می مالو چوٹیر کلے ایمان نہ اٹوئے۔“

حضرت زینب بنت محمد صلی اللہ علیہ وسلم

ابوالعاص ائی رجاؤ: ”وو حبیبہ! موڑ تھوئے بُبا جی متو کوئے گہ چدالو گہ ایلہ نانوَ چہ موں خھے طریقوجی نہ یازم مگر آ موڑجی بجومس چہ جک سہ موڑ لھوکی رزوی چہ موں تومی چئے شٹی تومو مالو دادے دین گہ پون پھتاسن، تس اچاک گہ نہ تھوباسیئی یا چہ تومو جد امجد حضرت ابوطالب ائے شریا جو غدر تھی ییل۔“ حضرت زینب رضی اللہ عنہا او رجیگی: ”کرہ گہ نیس، موں تو ڈاڈنس چہ خھو عثمان گہ زیر بن عوام ائے شریا سبقت ہری اسلام دہ داخل بُویت“²۔

لُہال: ابولہب بن عبدالمطلب، حضور صلی اللہ علیہ وسلم ائے پچی سو آں گاوند دہ پیاسو۔ کھان وخ دہ حضرت زینب رضی اللہ عنہا ائے نکاح ابوالعاص سے بلو تو ابولہب ائی توموڑا حضرت ابوطالب گہ ایک دو مُتہ ساتی تھے حضور صلی اللہ علیہ وسلم ائے گوٹٹھ گئے آن تومہ پھیئے عتبہ گہ عتبہ کریا حضرت رقیہ گہ حضرت اُم کلثوم لکھیگہ۔ آتھ تومو گوڑے صلاح مشورہ گئی ییٹے نکاح بلو مگر روخصتی نہ بلس۔ اسہ وخ بُجیش نبوتے اعلان گہ نہ بلس۔ اکومجی سلک میٹس۔ مگر نبوتے اعلان بون گہ ییٹے گوڑہ مجی مذہبی دُرُخا پائدا بلی، ابولہب گہ اُم جمیل سخ مخالفو مجی ٹل بوئے حضور صلی اللہ علیہ وسلم ٹر قسم قسمے ظلم گہ سختی دون شیروع تھیگہ

ملک امیر بخش، بات مصطفیٰ، ص: 109-2

حضرت زینب بنت محمد صلی اللہ علیہ وسلم

آوجہ گئی سورہ تبت یدا نازل ہئی۔ یس ہر وخ دہ نبی علیہ السلام ٹڑ جو نہ جو سختی اچھین گہ گران تھیو بوجنس۔ ابولہب گہ چیڑ تومہ پھیئے عتبہ گہ عتبہ بتی زورو حضرت رقیہؓ گہ حضرت ام کلثومؓ اوزگار تھیگہ اسہ بُجیش حضرت رقیہؓ گہ ام کلثومؓ مالے گوڑجی زبائل بوئے نہ گیاسی³۔

زبائل: حضرت زینبؓ ائے زبائل تومو بُرملیا ابوالعاص سے بلس⁴۔ ابوالعاص حضرت خدیجہؓ ائے سزے پُچس۔ آوجہ گئی نسب دہ ابوالعاص گہ حضرت زینبؓ بُرملیائے سہ⁵۔ بعثت جی پتو ابوالعاص ائی اسلام قبول نہ تهاؤس آوجہ گئی قُریش سہ سات سات حضرت زینبؓ ٹڑ طلاق دونے رزنس مگر ابوالعاص ائی اوزگار تھونے مؤش نہ مناؤس⁶ آن عتبہ گہ عتبہ تومو مالو گہ قُریشو مؤش منے حضرت رقیہؓ گہ حضرت ام کلثومؓ بیدہونڑ طلاق دیگاس⁷۔

ابوالعاص: ابوالعاص 2 ہجری دہ جنگ بدر دہ گرفتار بلس۔ بُتہ قیدیان مدینہ دہ بارگاہ رسالت دہ پیش تھیگہ۔ حضور صلی اللہ علیہ وسلم ائی قیدیانوڑ

³ طبقات ابن سعد، ص: 24؛ اصابع، کتان النساء: 152

⁴ الاصابع، جلد 8، ص: 127۔

⁵ ابن اثیر، اسد الغابہ، جلد 4، ص: 222؛ بلاذری، انساب الاشراف، جلد 1، ص: 397۔

⁶ بلاذری، انساب الاشراف، جلد 1، ص: 397۔

⁷ بلاذری، انساب الاشراف، جلد 1، ص: 397؛ 401۔

حضرت زینب بنت محمد صلی اللہ علیہ وسلم

رجاؤ چہ مکہ جی تومو تومو زر درہم فدیہ لکھے اٹیا تو قیدج مُچت۔

ابوالعاص ائی فدیہ ائے کِریا مکہ دہ تومی جمات حضرت زینب ٹر سچاؤ۔ آ گئی حضرت زینب رضی اللہ عنہا او ابوالعاص ائے فدیہ دونے کِریا تومی شکے اسہ کنڈی لیورڑ پلیگی کھاں زھانلے وخ دہ حضرت خدیجہ رضی اللہ عنہا او سہ سڑ دیگس۔ عمرو بن ربیع آ کنڈی گئی نبی علیہ السلام ائے خدمت دہ حاضر ہوئے ابوالعاص موجونے اِزر فرباد گہ تھاؤ آں فدیہ دہ کنڈی گہ پلاؤ⁸۔

نبی علیہ السلام تومی دی حضرت زینب رضی اللہ عنہا ائے کنڈی پشی لو سوخت بلہ، سوختی گئی ایک قسم کے رقت طاری بلی۔ نبی علیہ السلام ائی تومہ صحابو سے مشورہ تھے سیٹے رضا گئی ابوالعاص گہ اوزگار تھیگہ آں حضرت زینب رضی اللہ عنہا ائے چیٹیلی کنڈی گہ پتوڑ پلیگہ۔ نبی علیہ اسلام ائی ابوالعاص ٹر رجیگہ چہ مکہ دہ گئے حضرت زینب رضی اللہ عنہا مدینہ شریفڑ چیٹے۔ ابوالعاص قیدجی اوزگار ہوئے مدینہ جی مکہ شریفڑ آلو، آں آبی حضرت زینب رضی اللہ عنہا ٹر سہ سے چیٹیلی کنڈی پتوڑ پلاؤ۔

ہجرت مدینہ ائے واقعہ: ابوالعاص ائی حضرت زینب رضی اللہ عنہا ٹر رجاؤ چہ سہ تیار بی آں مدینہ ٹر تومو بُبا دی بوجئے۔ کھاں وخ دہ حضرت زینب رضی اللہ عنہا مکہ جی

تاریخ طبری، (ترجمہ: ڈاکٹر محمد صدیق ہاشمی)، جلد 2، حصہ اول، ص: 154۔⁸

حضرت زینب بنت محمد صلی اللہ علیہ وسلم

مدینہ شریفؓ روانِ بلی تو کفارِ جنی ذی طویٰ مقامِ دہ یٹو مدینہ شریفؓ بوجونجی رٹیگہ۔ حضرت زینبؓ اُحجی سورس۔ بہار ابن اسودؓ یٹو اُحجی کھری پھل تھاو، اسہ وخ دہ حضرت زینبؓ امید گئی تاسی، آ گئی سہ جوبلِ بلی، آں یٹے حمل ساقطِ بلو⁹۔ کنانہ بن ربیعؓ اسہ وخ دہ حضرت زینبؓ ائے ساتی سو۔ کفارو سے کڑ تھون دہ ابوسفیانِ آیی ییس کھگڑ تھے پر جریاؤ چہ آئے موقع دہ حضرت زینبؓ مدینہ شریفؓ نہ برے شناکک پتو بوجیئے کھاں وخ دہ حالاتِ شنا مشہ بین۔ کنانہ بن ربیعؓ آ موڑجی عمل تھے حضرت زینبؓ گئی مرک بوئے مکہ شریفؓ آں دیس بورئ پتو سیس ہری مدینہ دہ اُچھیاؤ۔

فریادی بون: ایک چوٹ 6 ہجری دہ ابو العاص ساؤدگری غرض گئی شام ٹر گیاؤس۔ زید بن حارثہؓ ائی صحابہ کرام سے ساتی کاروانجی حملہ تھے جک قیدیان سنے تمام مالِ جنی قبضہ تھے مدینہ شریفؓ اٹاؤ۔ روایتو مجی رزن حملائے وخ دہ ابو العاص بچ بوئے اُچی گیاؤس آں چپ بوئے مدینہ شریفؓ آیی حضرت زینبؓ ائے فریادی بلس¹⁰۔ حضرت زینبؓ او، نبی علیہ السلام ٹر گئے رجیگی، چہ ابو العاص سہ سے فریادی بلس۔ آگئی سہ سے

⁹ ابن عبد البر، الاستیعاب، جلد 4، ص: 1854۔

¹⁰ ابن کثیر ”تاریخ ابن کثیر“ (ترجمہ: ابو طلحہ محمد افضل مغل)، جلد 2، ص: 354۔

حضرت زینب بنت محمد صلی اللہ علیہ وسلم

فریاد قبول ہلے¹¹۔ آتھ حضور صلی اللہ علیہ وسلم ای اصحابوڑ رزی ابوالعاص سِجی ہریلی مال گہ اسباب سہ سڑ پتوڑ پلیگہ¹²۔ ابوالعاص مکہ دہ آبی، مکہ شریفے جگوڑ سیٹھے امانتہ واپس تھے سیٹوجی کھوجاؤ جیٹھے امانت پھت تو نہ بلن، بُٹج نیں تھیگہ۔ تے سیسی اُچت کؤ تھے رجاؤ: ”وو اہل قریش! کوڑ دیا مون مسلمان بلوئس¹³۔ آئے رزی سیسی جھار گئی کلمہ رجاؤ آن پتو ہجرت تھے مدینہ شریفڑ گئے حضور ﷺ ائے ہجی بیعت تھاء¹⁴۔

فضیلت: ہجرتے وخ دہ حضرت زینبؓ لئی بڑی سختیوجی لگتھس۔ کھان وخ دہ حضرت زینبؓ مدینہ دہ اُچھتی تو ہجرتجی رٹون گہ بال ابس ہونے قصہ تھیگی تو نبی علیہ السلام ائے بیو دہ لئی بڑی چس ہلی آن رجیگہ: ”ہی اَفْضَلُ بَنَاتٍ اُصِيبَتْ فِي“ (یہ [زینب] می دجارو مجی آ اتبار گئی فضیلتے خوانن چہ می طرفڑ ہجرت تھون دہ اتہ لئی سختی تہیگن)۔

اُولات: حضرت زینبؓ گہ ابوالعاصؓ ائے ایک پُچ گہ ایک دی پھت ہلس۔ پُچے نوم ”علی“ آن دیجئے نوم ”امامہ“ سو۔ ابن عساکرؒ سہ رزانو

¹¹ واقدی، المغازی، جلد 2، ص: 553۔

¹² ابن کثیر ”تاریخ ابن کثیر“ (ترجمہ: ابو طلحہ محمد افضل مغل)، جلد 2، ص: 581۔

¹³ واقدی، المغازی، جلد 2، ص: 554۔

¹⁴ واقدی، المغازی، جلد 2، ص: 553۔

حضرت زینب بنت محمد صلی اللہ علیہ وسلم

حضرت زینب رضی اللہ عنہا اے یح علی بن العاص یرموکے بگہ ده شهید پلس¹⁵۔

حضرت فاطمہ رضی اللہ عنہا اے ویصیات: حضرت فاطمہ رضی اللہ عنہا او تومی جوڈن ده حضرت علی رضی اللہ عنہ ٹر ویصیات تھیگس چہ سہ سے وفاتجی پتو اگر حضرت علی رضی اللہ عنہ اے متی زھائل تھون الہا پلئ تو ترے سہ سے سزے دی امامہ رضی اللہ عنہا بنت ابوالعاص سے زبائل تھون تھہ¹⁶، ترے چہ امامہ رضی اللہ عنہا سہ سے اولاترے حق ده سہ سے قائم مقام بو۔ آوجہ گئی حضرت فاطمہ رضی اللہ عنہا اے وفاتجی پتو حضرت علی رضی اللہ عنہ ای امامہ بنت ابی العاص رضی اللہ عنہ سے نکاح تھائوس۔

وفات: حضرت زینب رضی اللہ عنہا 600 عیسوی ده مکہ ده پائدا پلئ آن 629 عیسوی یعنی 8 ہجری ده مدینہ ده وفات پلئ¹⁷، غُسل اُم المؤمنین حضرت سودہ رضی اللہ عنہا، اُم المؤمنین حضرت سلمہ رضی اللہ عنہا آن اُم ایمن رضی اللہ عنہا او دیگاس¹⁸۔ حق جامہ یون ده حضور صلی اللہ علیہ وسلم اے ہداترے مطابق سیٹے تہبند مبارک کفنجی کھری ویگاس¹⁹۔ تجہیز گہ تکفین جی پتو نماز جنازہ پلئ۔ جنازہ ده

¹⁵ الاصابہ، جلد 4، ص: 264۔

¹⁶ ابن اثیر، اسد الغابہ، جلد 4، ص: 473۔

¹⁷ ابن عبد البر، الاستیعاب، جلد 4، ص: 1853۔

¹⁸ انساب الاشراف، جلد 4، ص: 400؛ ابن سعد، طبقات الکبری، جلد 8، ص: 28۔

¹⁹ بخاری شریف جلد 1، ص: 167؛ مسلم شریف جلد 1، ص: 304؛ ابن ابی شیبہ، جلد 3، ص: 242؛ شرح علامہ زرقانی، الفصل الثانی فی

ذکر اولادہ الکریم علیہ وسلم الصلوٰۃ والسلام، جلد 4، ص: 318۔

حضرت زینب بنت محمد صلی اللہ علیہ وسلم

مسلمان مُشرے گہ چپے شاملِ بلاس، بیٹو مجی حضرت فاطمہ ؓ گہ ٹلس
کہاں سے ذکرِ اہل سنت گہ شیعہ کتابو مجی ہشینو۔ حضور صلی اللہ علیہ
وسلم ای اکرے تومی چدالی دی قبر دہ وی سُمڑ حاؤلہ تھیگہ اسہ وخ دہ
حضور صلی اللہ علیہ وسلم ای اکرے مبارکجی غمجنی نکہہ خرگن لیل
بینس۔ بلاذریٰ سہ رزانو حضرت زینب ؓ اسپارونے وخ دہ حضور ﷺ اکرے
قبر دہ مجی گیرے سیٹے بَشِگیارے دُعا تھیگاس²⁰۔

ابن عبد البر، الاستیعاب، جلد 4، ص: 1853؛ اسد الغابہ، جلد 4، ص: 264۔²⁰

